

ქალაქ ქუთაისის მუნიციპალიტეტის საკრებულო  
გ ა ნ კ ა რ გ უ ლ ე ბ ა

№ \_\_\_\_\_

ქალაქი ქუთაისი \_\_\_\_\_

2022 წელი

ქალაქ ქუთაისის მუნიციპალიტეტის საკუთრებაში არსებული მოძრავი ქონების  
(10 (ათი) ერთეული M2 კატეგორიის ავტობუსი (FORD TRANSIT 460E))  
შეზღუდული პასუხისმგებლობის საზოგადოება „ქუთაისის სატრანსპორტო კომპანიისათვის“  
პირდაპირი განკარგვის წესით, უსასყიდლოდ, თხოვნის ფორმით,  
უვადო სარგებლობაში გადაცემის თაობაზე,  
ქალაქ ქუთაისის მუნიციპალიტეტის მერისათვის თანხმობის მიცემის  
შესახებ

საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „დ“ ქვეპუნქტის „დ.გ“ ქვეპუნქტის, 122-ე მუხლის მე-2, მე-4, მე-5 და მე-6 პუნქტების, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილების, „ქალაქ ქუთაისის მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრისა და ანგარიშსწორების წესების დამტკიცების შესახებ“ ქალაქ ქუთაისის მუნიციპალიტეტის საკრებულოს 2015 წლის 9 იანვრის №65 დადგენილების და ქალაქ ქუთაისის მუნიციპალიტეტის მერის 2022 წლის ----- ივნისის №----- წერილობითი მომართვების შესაბამისად:

**მუხლი 1.** მიეცეს თანხმობა ქალაქ ქუთაისის მუნიციპალიტეტის მერს იოსებ ხახალეიშვილს შეზღუდული პასუხისმგებლობის საზოგადოება „ქუთაისის სატრანსპორტო კომპანიისათვის“ (საიდენტიფიკაციო ნომერი №412750713) ქალაქ ქუთაისის მუნიციპალიტეტის საკუთრებაში არსებული, წინამდებარე განკარგულების დანართში მითითებული მოძრავი ქონების (10 (ათი) ერთეული M2 კატეგორიის ავტობუსი (FORD TRANSIT 460E)) პირდაპირი განკარგვის წესით, უსასყიდლოდ, თხოვნის ფორმით, უვადო სარგებლობაში, გადაცემის თაობაზე.

(დანართი განკარგულებას თან ერთვის)

**მუხლი 2.** შეზღუდული პასუხისმგებლობის საზოგადოება „ქუთაისის სატრანსპორტო კომპანიის“ (საიდენტიფიკაციო ნომერი №412750713) მიერ, სარგებლობაში გადაცემული, წინამდებარე განკარგულების პირველ მუხლში ხსენებული მოძრავი ქონება (10 (ათი) ერთეული ავტომანქანა (FORD TRANSIT 460E)), გამოყენებულ იქნას მისი პირდაპირი დანიშნულებისამებრ.

**მუხლი 3.** ქალაქ ქუთაისის მუნიციპალიტეტის მერმა იოსებ ხახალეიშვილმა, უზრუნველყოს მოქმედი კანონმდებლობის შესაბამისად დოკუმენტაციის გაფორმება.

**მუხლი 4.** კონტროლი განკარგულების შესრულებაზე განახორციელოს ქალაქ ქუთაისის მუნიციპალიტეტის საკრებულოს ეკონომიკის, ქონების მართვისა და საქალაქო მუდრეწობის კომისიამ.

**მუხლი 5.** განკარგულება შეიძლება გასაჩივრდეს, კანონით დადგენილი წესით, ქუთაისის საქალაქო სასამართლოში (ვ.კუპრაძის ქუჩა №11), მისი გაცნობიდან ერთი თვის ვადაში.

**მუხლი 6.** განკარგულება ძალაში შევიდეს კანონით დადგენილი წესით.

ქალაქ ქუთაისის მუნიციპალიტეტის მერი:

იოსებ ხახალეიშვილი

შეზღუდული პასუხისმგებლობის საზოგადოება „ქუთაისის სატრანსპორტო კომპანიისათვის“  
პირდაპირი განკარგვის წესით, უსასყიდლოდ, თხოვნის ფორმით,  
უვადო სარგებლობაში გადასაცემი ქალაქ ქუთაისის მუნიციპალიტეტის  
საკუთრებაში არსებული მოძრავი ქონება  
(10 (ათი) ერთეული M2 კატეგორიის ავტობუსი (FORD TRANSIT 460E))

№	სატრანსპორტო საშუალება	სატრანსპორტო საშუალების საიდენტიფიკაციო ნომერი	ფერი	გამოშვების წელი	სახელმწიფო ნომერი
1.	FORD TRANSIT 460E	WF0HXXTTGHMD36176	ლურჯი	2021	LG050LL
2.	FORD TRANSIT 460E	WF0HXXTTGHMK32313	ლურჯი	2021	LG023LL
3.	FORD TRANSIT 460E	WF0HXXTTGHMK32316	ლურჯი	2021	LG021LL
4.	FORD TRANSIT 460E	WF0HXXTTGHMD45198	ლურჯი	2021	LG038LL
5.	FORD TRANSIT 460E	WF0HXXTTGHMD45214	ლურჯი	2021	LG061LL
6.	FORD TRANSIT 460E	WF0HXXTTGHMD45219	ლურჯი	2021	LG031LL
7.	FORD TRANSIT 460E	WF0HXXTTGHMD45213	ლურჯი	2021	LG036LL
8.	FORD TRANSIT 460E	WF0HXXTTGHMD45217	ლურჯი	2021	LG049LL
9.	FORD TRANSIT 460E	WF0HXXTTGHMD45200	ლურჯი	2021	LG045LL
10.	FORD TRANSIT 460E	WF0HXXTTGHMK32326	ლურჯი	2021	LG015LL

ქალაქ ქუთაისის მუნიციპალიტეტის მერი:

იოსებ ხახალიაშვილი

ქალაქ ქუთაისის მუნიციპალიტეტის საკუთრებაში არსებული მოძრავი ქონების  
(10 (ათი) ერთეული M2 კატეგორიის ავტობუსი (Ford Transit 460E))  
შეზღუდული პასუხისმგებლობის საზოგადოება „ქუთაისის სატრანსპორტო კომპანიისათვის“  
პირდაპირი განკარგვის წესით, უსასყიდლოდ, თხოვების ფორმით,  
უვადო სარგებლობაში გადაცემის თაობაზე,  
ქალაქ ქუთაისის მუნიციპალიტეტის მერისათვის თანხმობის მიცემის შესახებ

**განკარგულების პროექტთან დაკავშირებით  
განმარტებითი ბარათი**

ქალაქ ქუთაისის მუნიციპალიტეტის მერიაში შემოსული იქნა შეზღუდული პასუხისმგებლობის საზოგადოება „ქუთაისის სატრანსპორტო კომპანიის“ (-----) მომართვა, რომელიც შეეხება, ქალაქ ქუთაისის მუნიციპალიტეტის საკუთრებაში არსებული მოძრავი ქონების (10 (ათი) ერთეული M2 კატეგორიის ავტობუსი (Ford Transit 460E)) სარგებლობაში გადაცემას.

აღნიშნულთან დაკავშირებით გაცნობებთ, რომ ქალაქ ქუთაისის მუნიციპალიტეტის მერია წარმოდგენს შეზღუდული პასუხისმგებლობის საზოგადოება „ქუთაისის სატრანსპორტო კომპანიის“ (საიდენტიფიკაციო ნომერი 412750713) 100%-იანი წილის მფლობელ პარტნიორს. საზოგადოების საქმიანობის ძირითად მიმართულებას წარმოადგენს მგზავრთა გადაყვანა, ქალაქ ქუთაისის ადმინისტრაციულ საზღვრებში.

ქალაქ ქუთაისის მუნიციპალიტეტის მერიას მიზანშეწონილად მიაჩნია განხორციელებდეს შეზღუდული პასუხისმგებლობის საზოგადოება „ქუთაისის სატრანსპორტო კომპანიისათვის“ (საიდენტიფიკაციო ნომერი №412750713) ქალაქ ქუთაისის მუნიციპალიტეტის საკუთრებაში არსებული, წინამდებარე განკარგულების დანართში მითითებული მოძრავი ქონების (10 (ათი) ერთეული M2 კატეგორიის ავტობუსი (Ford Transit 460E)) პირდაპირი განკარგვის წესით, უსასყიდლოდ, თხოვების ფორმით, უვადო სარგებლობაში, გადაცემა. შეზღუდული პასუხისმგებლობის საზოგადოება „ქუთაისის სატრანსპორტო კომპანიის“ (საიდენტიფიკაციო ნომერი №412750713) მიერ, სარგებლობაში გადაცემული, წინამდებარე განკარგულების პირველ მუხლში ხსენებული მოძრავი ქონება (10 (ათი) ერთეული M2 კატეგორიის ავტობუსი (Ford Transit 460E)), გამოყენებულ იქნას მისი პირდაპირი დანიშნულებისამებრ.

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ.გ“ ქვეპუნქტის შესაბამისად, მუნიციპალიტეტის მერი - საკრებულოს თანხმობით წევრებს მოძრავი ქონების პირდაპირი განკარგვის წესით სასყიდლოდ ან უსასყიდლოდ სარგებლობის უფლებით, პირობით ან უპირობოდ გაცემის საკითხს. 122-ე მუხლის მე-2 პუნქტის შესაბამისად, მუნიციპალიტეტის ქონების სარგებლობის უფლებით გადაცემის შესახებ ხელშეკრულება ფორმდება მუნიციპალიტეტის აღმასრულებელ ორგანოსა და დაინტერესებულ პირს შორის. მე-4 პუნქტის შესაბამისად „მუნიციპალიტეტის ქონების სარგებლობის უფლებით გადაცემა ხდება აუქციონის ფორმით ან პირდაპირი განკარგვის წესით. მუნიციპალიტეტის ქონების აუქციონის ფორმით სარგებლობის უფლებით გადაცემის შესახებ გადაწყვეტილებას იღებს მუნიციპალიტეტის აღმასრულებელი ორგანო, ხოლო მუნიციპალიტეტის ქონების პირდაპირი განკარგვის წესით სარგებლობის უფლებით უსასყიდლოდ გადაცემის შესახებ გადაწყვეტილებას – მუნიციპალიტეტის აღმასრულებელი ორგანო მუნიციპალიტეტის საკრებულოს თანხმობით, გარდა ამ მუხლის მე-6 პუნქტით გათვალისწინებული შემთხვევისა. ასევე, მე-5 და მე-6 პუნქტების თანახმად, „5. პირდაპირი განკარგვის წესით მუნიციპალიტეტის ქონების სარგებლობის უფლებით გადაცემა შეიძლება სასყიდლოდ ან უსასყიდლოდ, პირობით ან უპირობოდ. მუნიციპალიტეტის ქონების სარგებლობის უფლებით უსასყიდლოდ გადაცემა დასაშვებია არაუმეტეს 2 წლის ვადით, გარდა ამ მუხლის მე-6 პუნქტით გათვალისწინებული შემთხვევისა. 6. მუნიციპალიტეტის აღმასრულებელი ორგანო უფლებამოსილია მუნიციპალიტეტის ქონება უსასყიდლოდ აღნაგობის, უსასყიდლოდ უზუფრუტისა და თხოვების ფორმით, აუქციონის გარეშე გადასცეს სახელმწიფოს და ავტონომიური რესპუბლიკების ორგანოებს, სხვა მუნიციპალიტეტს, საჯარო სამართლის იურიდიულ პირს (გარდა პოლიტიკური პარტიისა), მუნიციპალიტეტის/მუნიციპალიტეტების მიერ დაფუძნებულ არასამეწარმეო (არაკომერციული) იურიდიულ პირს, საწარმოს, რომლის წილის ან აქციათა 50%-ზე მეტს ფლობს/ფლობენ მუნიციპალიტეტი/მუნიციპალიტეტები, ან თავად ამ კერძო სამართლის იურიდიული პირის მიერ დაფუძნებულ კერძო სამართლის იურიდიულ პირს“.

გამომდინარე აქედან, წარმოდგენილია ქალაქ ქუთაისის მუნიციპალიტეტის საკრებულოს განკარგულების პროექტი „ქალაქ ქუთაისის მუნიციპალიტეტის საკუთრებაში არსებული მოძრავი ქონების (10 (ათი) ერთეული M2 კატეგორიის ავტობუსი (Ford Transit 460E)) შეზღუდული პასუხისმგებლობის საზოგადოება „ქუთაისის სატრანსპორტო კომპანიისათვის“ პირდაპირი განკარგვის წესით, უსასყიდლოდ, თხოვების ფორმით, უვადო სარგებლობაში გადაცემის თაობაზე, ქალაქ ქუთაისის მუნიციპალიტეტის მერისათვის თანხმობის მიცემის შესახებ“.

საკრებულოს სხდომაზე აღნიშნულ საკითხს წარადგენს ქალაქ ქუთაისის მუნიციპალიტეტის მერიის პირველადი სტრუქტურული ერთეულის ეკონომიკური განვითარების, ადგილობრივი თვითმმართველობის ქონებისა და ტრანსპორტის მართვის სამსახურის ხელმძღვანელის მოვალეობის შემსრულებელი ვალერიან სილაგაძე.

ქალაქ ქუთაისის მუნიციპალიტეტის მერი:

იოსებ ხახალიშვილი